

大方廣佛華嚴經入法界品四十二字觀門

佛陀教育基金會 印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

爐香乍爇 法界蒙薰 諸佛海會悉遙聞 隨處結祥雲
誠意方殷 諸佛現全身

南無香雲蓋菩薩摩訶薩 (三稱)

南無本師釋迦牟尼佛 (三稱)

淨身業真言

唵 修哆唎 修哆唎 修摩唎 修摩唎 薩婆訶

淨口業真言

唵 修唎修唎 摩訶修唎 修修唎 薩婆訶

淨意業真言

唵 嚩日囉怛訶賀斛

淨三業真言

唵 娑嚩婆嚩耏馱 娑嚩達摩 娑嚩婆嚩耏度憾

安土地真言

南無三滿哆 沒馱喃 唵 度嚕度嚕 地尾 薩婆訶

普供養真言

唵 誡誡曩 三婆嚩 伐日囉斛

開經偈

無上甚深微妙法 百千萬劫難遭遇

我今見聞得受持 願解如來真實義

南無華嚴海會佛菩薩（三稱）

大方廣佛華嚴經入法界品四十二字觀門

開府儀同三司特進試鴻臚卿
肅國公食邑三千戶賜紫贈司
空諡大鑒正號大廣智大興善寺三藏沙門不空奉 詔譯

大正藏經 No. 1019

爾時善財童子從天宮下。向迦毘羅城。至善知眾藝童子所。頭頂禮敬於一面立。白言聖者。我已發阿耨多羅三藐三菩提心。而未知菩薩云何學菩薩行。云何修菩薩道。我聞聖者善能教誨。願為我說。時彼童子告

善財言。善男子我得菩薩解脫。名善知眾藝。我恒稱持入此解脫根本之字

阿字時。名由菩薩威德入無差別境界般若波羅蜜門。

悟一切法本不生故

多字時。入無邊際差別般若波羅蜜門。

悟一切法離塵垢故

波字時。入法界際般若波羅蜜門。

悟一切法勝義諦不可得故

左字時。入普輪斷差別般若波羅蜜門。

悟一切法無諸行故

那字時。入無阿賴耶際般若波羅蜜門。

悟一切法性相不可得故

邏字時。入無垢般若波羅蜜門。

悟一切法出世間故。愛支因緣永不現故

施字時。入不退轉加行般若波羅蜜門。

悟一切法調伏寂靜真如平等無分別故

婆字時。入金剛場般若波羅蜜門。

悟一切法離縛解故

茶字時。入普遍輪般若波羅蜜門。

悟一切法離熱矯穢得清涼故

沙字時。入海藏般若波羅蜜門。

悟一切法無罣礙故

罽字時。入普遍生安住般若波羅蜜門。

悟一切法言語道斷故

哆字時。入照曜塵垢般若波羅蜜門。

悟一切法真如不動故

也字時。入差別積聚般若波羅蜜門。

悟一切法如實不生故

瑟吒字時。入普遍光明息除熱惱般若波羅蜜門。

悟一切法制伏任持相不可得故

迦字時。入差別種類般若波羅蜜門。

悟一切法作者不可得故

婆字時。入現前降霆大雨般若波羅蜜門。

悟一切法時平等性不可得故

麼字時。入大迅疾眾峰般若波羅蜜門。

悟一切法我所執性不可得故

伽字時。入普遍輪長養般若波羅蜜門。

悟一切法行取性不可得故

他字時。入真如無差別般若波羅蜜門。

悟一切法處所不可得故

社字時。入世間流轉窮源清淨般若波羅蜜門。

悟一切法能所生起不可得故

鑠字時。入念一切佛莊嚴般若波羅蜜門。

悟一切法安隱性不可得故

施字時。入觀察法界道場般若波羅蜜門。

悟一切法能持界性不可得故

奢字時。入隨順一切佛教般若波羅蜜門。

悟一切法寂靜性不可得故

佉字時。入現行因地智慧藏般若波羅蜜門。

悟一切法如虛空性不可得故

叉字時。入決擇息諸業海藏般若波羅蜜門。

悟一切法窮盡性不可得故

娑多字時。入摧諸煩惱清淨光明般若波羅蜜門。

悟一切法住持處非處令不動轉性不可得故

壤字時。入生世間了別般若波羅蜜門。

悟一切法能所知性不可得故

曷羅多字時。入逆生死輪智道場般若波羅蜜門。

悟一切法執著義性不可得故

婆字時。入一切宮殿道場莊嚴般若波羅蜜門。

悟一切法可破壞性不可得故

車字時。入修行加行藏蓋差別道場般若波羅蜜門。

悟一切法欲樂覆性不可得故

娑麼字時。入現見十方諸佛旋般若波羅蜜門。

悟一切法可憶念性不可得故

訶婆字時。入觀察一切眾生堪任力遍生海藏般若波羅蜜門。悟一切法可呼召性不可得故

縊字時。入一切功德海趣入修行源底般若波羅蜜門。悟一切法勇健性不可得故

伽字時。入持一切法雲堅固海藏般若波羅蜜門。

悟一切法厚平等性不可得故

吒字時。入願往詣十方現前見一切佛般若波羅蜜門。

悟一切法積集性不可得故

拏字時。入字輪積集俱胝字般若波羅蜜門。

悟一切法離諸諍諍無往無來行住坐臥不可得故

娑頗字時。入成熟一切眾生際往詣道場般若波羅蜜門。
悟一切法遍滿果報不可得故

娑迦字時。入無著無礙解脫地藏光明輪普照般若波羅
蜜門。悟一切法積聚蘊性不可得故

也娑字時。入宣說一切佛法境界般若波羅蜜門。

悟一切法衰老性相不可得故

室左字時。入一切虛空以法雲雷震吼普照般若波羅蜜門。悟一切法聚集足跡不可得故

侘字時。入無我利益眾生究竟邊際般若波羅蜜門。

悟一切法相驅迫性不可得故

陀字時。入法輪無差別藏般若波羅蜜門。

悟一切法究竟處所不可得故

善男子我稱如是入諸解脫根本字時。此四十二般若波羅蜜為首。入無量無數般若波羅蜜門。又善男子如是

字門。是能悟入法空邊際。除如是字。表諸法空。更不可得。何以故如是字義不可宣說。不可顯示。不可執取。不可書持。不可觀察。離諸相故。善男子譬如虛空是一切物所歸趣處。此諸字門亦復如是。諸法空義皆入此門。方得顯了。若菩薩摩訶薩於如是入諸字門。得善巧智。於諸言音所詮所表。皆無罣礙。於一切法平等空性。盡能證持。於眾言音咸得善巧。若菩薩摩訶薩。能聽如是入諸字門。印阿字印。聞已受持。讀誦通利為他解說。不貪名利。由此因緣得二十種殊

勝功德。何等二十。謂得強憶念。得勝慚愧。得堅固力。得法旨趣。得增上覺。得殊勝慧。得無礙辯。得總持門。得無疑惑。得違順語不生恚愛。得無高下平等而住。得於有情言音善巧。得蘊善巧處善巧界善巧。得緣起善巧因善巧緣善巧法善巧。得根勝劣智善巧他心智善巧。得觀星曆善巧。得天耳智善巧宿住隨念智善巧神境智善巧死生智善巧。得漏盡智善巧。得說處非處智善巧。得往來等威儀路善巧。是為得二十種殊勝功德。善男子我唯知此入諸解脫根本字智。如諸菩

薩摩訶薩。能於一切世間善巧之法。以智通達。到於彼岸。而我云何能知能說彼功德行。時善財童子。頭面敬禮眾藝之足。遶無數匝戀仰而去。

大方廣佛華嚴經入法界品四十二字觀門

四十二字誦曰（華嚴字母一〇八遍）

施奢佉	阿多波
又娑 多壤	左那邏
多羅曷 婆車	施婆茶
麼娑 婆訶 縵	沙嘑哆
伽吒拏	也瑟 吒迦
頗娑 迦娑	娑麼伽
左室 佉陀	他社鑠

華嚴經心陀羅尼（此為普賢如來所說）（七遍）

唵 枳那 枳那 怛他伽頭 跢婆陞 珊隱底

娑囉底 烏陀慕 陀迷 唵 薩陞梯 薩嘑訶

普賢行願 功德周圓 普資恩有利人天
福壽廣增延 滅罪無邊 同願禮金仙

華嚴字母 眾藝親宣 善財童子得真傳

秘密義幽玄 功德無邊 唱誦利人天

誦經功德殊勝行 無邊勝福皆迴向 普願沉溺諸有情
速往無量光佛刹 十方三世一切佛 一切菩薩摩訶薩
摩訶般若波羅蜜

願以此功德 莊嚴佛淨土 上報四重恩 下濟三途苦
若有見聞者 悉發菩提心 盡此一報身 同生極樂國

大方廣佛華嚴經入法界品四十二字觀門功德主名錄

委印文號：105369

六、八〇〇元：〔龔氏歷代祖先、往生者龔錫芬、往生者黃煥珠、往生者黃迺生、往生者黃鄭瑞香、往生者王維庭、

往生者張增譽、往生者黃淳德、龔志雄闔家〕。

二、〇〇〇元：〔往生者項雋、許一萍、熊孝存闔家、熊仁璧闔家、往生者熊仁輝、熊佳韻、項筠雅〕。

一、〇〇〇元：〔鄭聰明、往生者鄭郭阿娥、鄭麗卿、鄭婁〕。

二〇〇元：〔鄭麗雲、鄭穎聰〕。

願以印經功德，迴向法界眾生，普代求生西方極樂世界，同出苦輪，往生淨土，圓證菩提。

以上計新台幣：一〇〇、〇〇〇元，恭印一、〇〇〇本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有冤枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印（購）經書及運費，為施主廣積陰德，歡迎十方大德善加利用。

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五六〇年／西元二〇一六年八月

大方廣佛華嚴經入法界品四十二字觀門

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：www.budaedu.org

E-mail：budaedu@budaedu.org

電話：(02) 2395 1198 傳真：(02) 2391 1341 五

劃撥戶名：財團法人佛陀教育基金會 郵局劃撥帳號：〇七六九九七七九

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三

本會經書免費結緣之請取方式如下：

(一) 親臨本會二樓講堂。(二) 利用傳真：(02) 23965959

(三) 撥打電話：(02) 2395 1198 分機：11、12

(四) 網址：<http://www.budaedu.org/books/>。(五) 寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎ 本會經書，歡迎翻印（請勿增刪），贈送流通，功德無量。

◎ 本會交通——

※ 捷運：善導寺站5號出口，至杭州南路右轉，過兩個紅綠燈。

※ 公車站牌：審計部站→212、299、232、205、276、605、257、262

台北商業技術學院→253、297、237 仁愛路一段→253、297 開南商工→208

仁愛路、杭州南路(紹興街)口→630、270、263、245、621、651、37、261

行政院新聞局出版事業登記證局版臺業字第三八六九號



恭印：一〇〇〇本

流水號：14381

書號：CH936-05